

Muhtasari wa Mpangokazi wa Kupunguza Athari za Mabadiliko ya Tabianchi

Mradi wa DOWN2EARTH

Novemba 2024

WAANDISHI

Winnie Khaemba [Climate Analytics], Raghuveer Vyas [Climate Analytics], Teun Schrieks [IVM], Ileen Streefkerk [IVM], Inga Menke [Climate Analytics] na Alexia Kioko [ICPAC].

WACHANGIAJI AU WAKAGUZI

Abebe Tadege [ICPAC], Khalid Hassaballah [ICPAC], Philip Omondi [ICPAC], Toby Pitts [Chuo Kikuu cha Cardiff], Michael Singer [Chuo Kikuu cha Cardiff], Mustafe Elmi [Transparency Solutions]

KUHUSU DOWN2EARTH

Maeneo kame ya Ukanda wa Pembe ya Afrika (HAD) hutegemea mvua za msimu kwa kilimo cha kujikimu (kutegemea na hali ya mvua) na ufugaji, hivyo yanakabiliwa na hatari kubwa ya upungufu wa maji na uhaba wa chakula wakati wa ukame. DOWN2EARTH inachunguza uhusiano kati ya hali ya hewa ya misimu, upungufu wa maji, uhaba wa chakula na athari zake kwa maisha na ustawi wa jamii za vijijini katika maeneo ya ukanda wa HAD. Tunawezesha mabadiliko ya jamii na ustahimilivu dhidi ya athari za mabadiliko ya tabianchi kupitia utoaji wa huduma za hali ya hewa zinazolenga jamii, zikizingatia upungufu wa maji na madhara yake katika au karibu na uso wa Dunia (ndiyo maana DOWN2EARTH).

SHUKRANI

Waandishi wangependa kuishukuru ICPAC na washiriki wa Majadiliano ya Warsha ya Sera ya Maboresho ya Tabianchi ya DOWN2EARTH. Asante kwa wadau wote waliotoa ushirikiano na kuunga mkono juhudi za Timu ya Kuboresha Sera ya DOWN2EARTH.

HAKIMILIKI

Chapisho hili linaweza kuchapishwa tena lote au kwa sehemu tu kwa huduma za elimu au zisizo za faida bila hitaji la ruhusa maalum kutoka kwa wahusika wa Mradi wa Down2Earth, iwapo chapisho hili litarejelewa na/au utaratibu sahihi wa hakimili ukifuatwa. Chapisho hili haliwezi kuuzwa tena au kutumiwa kwa madhumuni yoyote ya kibiashara bila idhini ya maandishi kutoka kwa wahusika wa Mradi wa Down2Earth. Tunaomba radhi kwa makosa yoyote au kuondolewa kwa maudhui fulani ambayo huenda yalifanywa bila kukusudia.

Chapisho hili **haliwezi** kuuzwa tena au kutumiwa kwa madhumuni yoyote ya kibiashara bila idhini ya maandishi kutoka kwa wahusika wa Mradi wa Down2Earth.

Jinsi ya kurejelea: Climate Analytics (2023). Mpangokazi wa Kupunguza Athari za Mabadiliko ya Tabianchi, Mradi wa DOWN2EARTH.

INAFADHILIWA NA [AU IMEANDALIWA]

Tungependa kuishukuru EU H2020 kwa kutoa ufadhili wa mpangokazi huu


Namba ya mkataba: 869550

Muhtasari

Mpangokazi wa Kupunguza Athari za Mabadiliko ya Tabianchi unalenga kuongoza mchakato wa utayarishaji wa sera, ukaguzi na maboresho ya sera katika maeneo kame ya Pembe ya Afrika (HAD) kuhusu mabadiliko, upatikanaji wa chakula na uhakika wa maji safi na salama. Mpangokazi huu umetayarishwa kupitia muunganiko wa tafiti mbalimbali kutoka katika shughuli za mradi wa DOWN2EARTH, pamoja na vyanzo vingine vya kisayansi na kitaalamu na unalenga kuimarisha miongozo iliyopo ya utayarishaji wa sera. Hasa, Mpangokazi umetokana na maudhui ya awali ya sera na uchambuzi wa ufanisi, ushiriki wa jamii, matokeo ya Mfano wa Kielektroniki wa Wakala (ABM) na warsha zinazohusisha watunga sera. Matokeo ya tafiti juu ya maboresho, upatikanaji wa chakula na uhaba wa maji nchini Ethiopia, Kenya na Somalia yametumika kutoa mwongozo maalum wa muktadha na mapendekezo kwa shughuli za baadaye za maboresho ya sera.

Mpangokazi wa sera umetayarishwa kwa kuzingatia maeneo tisa (9) ya maudhui ambayo ni: 1. lengo la sera; 2. kuingizwa katika mazingira yaliyopo ya sera; 3. uratibu; 4. tathmini ya hali ya sasa; 5. makadirio ya maboresho ya baadaye, 6. ufadhili; 7. ushiriki; mawasiliano na usambazaji; 8. utekelezaji; na 9. ufuatiliaji na tathmini.

Katika muktadha huu, dhana ya 'sera' ni pana ikijumuisha hati yoyote muhimu inayoelezea malengo na mbinu za kiserikali kuelekea sekta fulani, eneo au wadau mbalimbali. Kwa hivyo, ingawa lugha sahihi inayotumiwa katika kila nchi inaweza kutofautiana (ikiwa ni pamoja na Sera, Miswada, Sheria, Mipango ya Utekelezaji, n.k), Mpangokazi huu unaweza kurejelewa utumike kwa wote.



Kielelezo 1: Mpangokazi wa Kupunguza Athari za Mabadiliko ya Tabianchi

1. Bainisha lengo kuu



Ni lazima lengo la sera libainishwe. Hii husaidia kufafanua kwa uwazi kile kinachohitaji kujumuishwa na hii inapaswa kurejelea malengo yanayotarajiwa. Pia inawezesha uelewa bora wa mtu anayehitaji kuhusishwa/kujumuishwa ili kuhakikisha si tu mchakato jumuishi lakini pia utekelezaji wenye mafanikio.

2. Kuunganisha sera katika mfumo wa sheria



Sera zote zinazohusiana zinahitaji kuzingatiwa ili kuona ni wapi sera iliyopangwa inafaa, kwa mfano sheria na sera za hali ya hewa, mapendekezo ya kiuchumi na sera zingine za kisekta zinazohusiana.

3. Uratibu



Muundo wa uratibu ni muhimu ili kushirikisha kila mtu kwa njia ya kushirikisha wadau mbalimbali walio katita nafasi sawa au za juu. Mchakato huu wa uratibu unapaswa kuwahusisha wadau wote muhimu ili kuhakikisha uwepo wa uongozi na uungwaji mkono.

4. Tathmini ya hali ya sasa



Uchambuzi wa hali ni muhimu ili kubaini mambo ambayo sera mpya inahitaji kushughulikia na pia yale inayoweza kuyajumuisha. Inaweza kusaidia kubaini mikakati ambayo ilifanya kazi hapo awali na jinsi ya kujumuisha katika mchakato mipya.

5. Masuala ya siku zijazo yanayopaswa kuboreshwa



Ili kuandaa mipango ya mabadiliko inayostahimili siku zijazo, ni muhimu kuwa na msingi wa kisayansi wenye

makadirio ya kisasa kuhusu athari za baadaye na ufanisi wa hatua za mabadiliko. Hii inapaswa kujumuisha maarifa yanayokubalika kijamii, muktadha tofauti na athari, viwango tofauti vya athari na changamoto za mabadiliko.

6. Ufadhili



Sera zinazohusisha mabadiliko ya hali ya hewa, upatikanaji wa chakula na maji zinaweza kuwa ghali katika ukanda wa HAD, na mara nyingi huhitaji rasilimali kubwa za kifedha na kiufundi ili kutekeleza kwa ufanisi. Sera madhubuti na zinazofaa zinapaswa kujumuisha fedha zinazopatikana na vyanzo muhimu ili kufikia malengo na matarajio yaliyobainishwa.

7. Ushiriki, mawasiliano na usambazaji



Ushirikiano na wadau katika ngazi ya mitaa na kitaifa ni muhimu sana. Ni lazima mikakati ya wazi ya mawasiliano, ushirikishwaji na usambazaji iwekwe tangu awali ili kuhakikisha uungwaji mkono na umiliki, pamoja na maoni.

8. Utekelezaji



Mpango wa utekelezaji unaojumuisha maelezo ya kile kinachopaswa kufanyika, anayepaswa kufanya, muda anaopaswa kufanya, rasilimali anazopaswa kutumia na hatua na viashiria vinavyohusiana vinapaswa kujumuishwa. Hii husaidia uwepo wa uwazi kuhusu majukumu na ratiba, na inachangia uwajibikaji pamoja na kusaidia ufuatiliaji na kufanya tathmini.

9. Ufuatiliaji, Tathmini na Mafunzo (MEL)



Ili kuhakikisha maendeleo yanafuatiliwa na kurekodiwa, lazima mpango uwekwe

ili kuonyesha vipengele tofauti. Mfumo wa usimamizi wa taarifa, kwa mfano mipangokazi ya Upimaji, Ukaguzi na Uthibitishaji (MRV) iliyowekwa na nchi ili

kuambatana na UNFCCC kwa malengo yao ya hali ya hewa inaweza kuwa muhimu katika kuhakikisha kuwa maendeleo yanafuatiliwa kote.



down2earthproject.org



www.climateanalytics.org